



NAMAKHVANI

ნამახვანი

მომსახურების ხელშეკრულება

სს „ნამახვანი
და
შპს „კოკს კონსალტის საქართველოს
ფილიალი“

3/20/2015

“ქუთაისი-ალპანა-მამისონი” საავტომობილო გზის ნამახვანი-ალპანის მონაკვეთის მშენებლობისათვის ტექნიკურ-ეკონომიკური დასაბუთების (feasibility study) და განსახლების ჩარჩო დოკუმენტის მომზადების შესყიდვა

მომსახურების ხელშეკრულება

№ NHC-20/03/2015-1

ერთის მხრივ, სს “ნამახვანი” (შემდგომში – “შემსყიდველი”/“მხარე”), წარმოდგენილი დირექტორის გიორგი ჩაჩიბაიას სახით და მეორეს მხრივ, შპს კოკს კონსალტი-ს საქართველოს ფილიალი (შემდგომში “მიმწოდებელი”/“მხარე”) წარმოდგენილი მისი დირექტორის კარსტენ გრიზე სახით,

იმ გარემოებიდან გამომდინარე, რომ 2015 წლის 13 მარტს შემსყიდველის მიერ „სახელმწიფო შესყიდვების შესახებ“ საქართველოს კანონის 10² მუხლის შესაბამისად გამოცხადებულ N1465 კონკურში გამარჯვებულად გამოვლინდა მიმწოდებელი, ვთანხმდებით შემდეგზე:

1. მომსახურების სახე

1.1. წინამდებარე ხელშეკრულების (შემდგომში „ხელშეკრულება“) საფუძველზე მიმწოდებელმა უნდა მოამზადოს “ქუთაისი-ალპანა-მამისონი” საავტომობილო გზის ნამოხვანი-ალპანის მონაკვეთის მშენებლობისათვის ტექნიკურ-ეკონომიკური დასაბუთების (feasibility study) და განსახლების ჩარჩო დოკუმენტი (შემდგომში „სამუშაო“/“სამუშაოები“).

1.2. სამუშაოები სრულდება ტექნიკური დავალების შესაბამისად, რომელიც მოცემულია ხელშეკრულების დანართ #1-ში.

2. მომსახურების გაწევის პირობები

2.1. მიმწოდებელი ვალდებულია სამუშაო შეასრულოს არაუგვიანეს 2015 წლის 15 ივლისისა. სამუშაოს ეტაპის შესრულება ხელშეკრულების 5.1. პუნქტის შესაბამისად, შესაძლებელია ზემოაღნიშნულ პერიოდში ნებისმიერ დროს.


2.2. სამუშაოს შესრულების ადგილია ქ. თბილისი.

2.3. ნებისმიერი ქვეკონტრაქტორის შესახებ, გარდა შპს „საპროექტო-საკონსულტაციო კომპანია ბითისა“ ს/კ 204472695 (შემდგომში „ბითი“), მიმწოდებელი ვალდებულია მიიღოს შემსრულებლის წერილობითი ნებართვა.

2.4. „ბითი“-ს მიერ შესასრულებელი სამუშაოების ჩამონათვალი ცალკე მოცემულია დანართ N2-ში. იმ შემთხვევაში თუ „ბითი“ ასრულებს სხვა სამუშაოებს, გარდა მოცემული ჩამონათვალისა, აღნიშნულის შესახებ წინასწარ უნდა ეცნობოს და უნდა დადასტურდეს შემსყიდველის მიერ.

3. გასაწევი მომსახურების ხარისხი

3.1. მიმწოდებელი იღებს ვალდებულებას, რომ გაწეული მომსახურების ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს და საერთაშორისო სტანდარტებს.



3.2. მიმწოდებელი ვალდებულია შეტყობინების მიღებისთანავე განხორციელოს უხარისხოდ შესრულებული მომსახურების ან მისი ნაწილის გამოსწორება შემსყიდველის მხრიდან რაიმე დამატებითი დანახარჯების გაწევის გარეშე.

4. ხელშეკრულების შესრულების კონტროლი (ინსპექტირება)

4.1. ხელშეკრულებით ნაკისრი ვალდებულებების შესრულების პერიოდულ ინსპექტირებას და კონტროლს მომსახურების გაწევის ნებისმიერ ეტაპზე ახორციელებს შემსყიდველი.

4.2. მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

4.3. მიმწოდებელს ევალება საფინანსო ინსტიტუტებთან და ინვესტორებთან, ასევე შემსყიდველის კონსულტანტთან თანამშრომლობა ნებისმიერ, მის მიერ შესასრულებელ საკითხზე.

5. სამუშაოს მიღება-ჩაბარების წესი

5.1. სამუშაოს მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით ხელშეკრულების 6.1. პუნქტის შესაბამისად.

5.2. მიღება-ჩაბარების აქტების დადების პარალელურად, მიმწოდებელი ვალდებულია წარუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

6. ანგარიშსწორების წესი

6.1. სამუშაოების სრული ღირებულებაა 795 000 (შვიდასოთხმოცდათხუთმეტიათასი) ლარი დღგ-ს ჩათვლით. ანგარიშსწორება მოხდება უნაღდო ანგარიშსწორებით ლარში, შესრულებულ სამუშაოს ეტაპის შესახებ შემსყიდველისთვის წარდგენილ მიღება-ჩაბარების აქტზე მხარეთა ხელმოწერის, შესაბამისი ანგარიშ-ფაქტურის წარდგენის შემდეგ შემდეგი წესით:

- ა) წინასწარი მოსაზრებების წარმოდგენის, მისი განხილვის და მისაღებად მიჩნევის შემდეგ დამკვეთის მხრიდან - სახელშეკრულებო თანხის 20% - მიღება-ჩაბარების აქტზე მხარეთა ხელმოწერის და შემსყიდველისთვის ანგარიშ-ფაქტურის წარდგენიდან 20 კალენდარული დღის ვადაში;
- ბ) პირველადი ანგარიშის შემსყიდველისთვის წარდგენის და შემსყიდველისთვის მისი განხილვის და მისაღებად მიჩნევის შემდეგ - სახელშეკრულებო ღირებულების 40% - მიღება-ჩაბარების აქტზე მხარეთა ხელმოწერის და შემსყიდველისთვის ანგარიშ-ფაქტურის წარდგენიდან 20 კალენდარული დღის ვადაში;
- გ) საბოლოო ანგარიშსწორება - სახელშეკრულებო თანხის 40% - ხორციელდება სამუშაოს სრულად შესრულების, ასევე შემსყიდველის მიერ საბოლოოდ მოწონებისა

(ექსპერტიზის ჩათვლით) და ყოველგვარი კორექტირების საჭიროების ამოწურვის შემდეგ (მაგრამ არაუგვიანეს 90 კალენდარულ დღეში საბოლოო ანგარიშის წარმოდგენის შემდეგ).

6.2. ხელშეკრულების ღირებულების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

6.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

7. ხელშეკრულებით გათვალისწინებული ვალდებულებების შესრულების გარანტიები

7.1. წინამდებარე ხელშეკრულებაზე ხელმოწერიდან 10 კალენდარული დღის ვადაში მიმწოდებელმა უნდა წარუდგინოს შემსრულებელს სამუშაოების შესრულების უზრუნველყოფის გარანტია საკონკურსო პირობების შესაბამისად. ამასთან, მხარეები თანხმდებიან, რომ საკონკურსო პირობებში მითითებული დანართი N4-ის მე-3 პუნქტი შესაძლებელია შეიცვალოს.

7.2. საგარანტიო თანხაა 23 850 ლარი, გარანტიის მოქმედების ვადა 2015 წლის 30 აგვისტო, გარანტი - სს „თიბისი ბანკი.“

8. მხარეთა პასუხისმგებლობა

8.1. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შემთხვევაში მიმწოდებელს დაეკისრება პირგასამტეხლოს გადახდა ყოველ დარღვევაზე ხელშეკრულების ღირებულების 0,1%-ის ოდენობით.

8.2. გარდა ზემოაღნიშნული პირგასამტეხლოსი, შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა - ყოველ ვადაგადაცილებულ დღეზე ხელშეკრულების ღირებულების 0.05%-ის ოდენობით.

8.3. პირგასამტეხლო გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი პირგასამტეხლოს დაკისრების თაობაზე) გაცნობიდან არაუგვიანეს 2 კვირისა. შემსყიდველს უფლება აქვს ცალმხრივად გაქვითოს მიმწოდებლის მიერ მისთვის გადასახდელი ნებისმიერი თანხა, მის მიერ გადასახდელ ნებისმიერ თანხაში, ცალმხრივად, მიმწოდებლის თანხმობის გარეშე.

8.4. პირგასამტეხლოს გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

9. ხელშეკრულების შეწყვეტა

9.1. ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულებლის შემთხვევაში, მხარე ვალდებულია დამრღვევ მხარეს დაუდგინოს გონივრული ვადა ვალდებულების შესასრულებლად და ვადის უშედეგოდ გასვლის შემთხვევაში შეწყვიტოს ხელშეკრულება.

9.2. ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.3. შემსყიდველს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ დამატებითი ვადის მიცემის გარეშე:

- ა) მიმწოდებლის მიერ ხელშეკრულებით ნაკისრი ვალდებულებების ორჯერ ან მეტჯერ დარღვევის შემთხვევაში;
- ბ) მიმწოდებლის მიერ ხელშეკრულებით ნაკისრი ვალდებულებების 15 კალენდარულ დღეზე მეტი ვადით გადაცილების შემთხვევაში;
- გ) სახელმწიფო კომპეტენტური ორგანოს მიერ ნამახვანის ჰესის პროექტის შეჩერების შემთხვევაში;
- დ) საქართველოს კანონმდებლობით გათვალისწინებულ სხვა შემთხვევებში.

9.4. იმ შემთხვევაში, თუ ხელშეკრულება წყდება ხელშეკრულების 9.3. პუნქტის „გ“ ქვეპუნქტის შესაბამისად, მიმწოდებელს უფლება არ აქვს მოსთხოვოს შემსყიდველს შეწყვეტის შედეგად დამდგარი ზიანის ანაზღაურება.

9.5. ხელშეკრულების ვადამდე შეწყვეტის შემთხვევაში, მხარეები ვალდებული არიან შეწყვეტიდან 2 კვირის განმავლობაში განახორციელონ საბოლოო ანგარიშსწორება და ფაქტიურად შესრულებული სამუშაოს ჩაბარება.

9.6. ნებისმიერ მხარეს უფლება აქვს გავიდეს ხელშეკრულებიდან, თუ ფორს-მაჟორული გარემოება გრძელდება 2 თვეზე მეტი ვადით.


9.7. ხელშეკრულება ითვლება ავტომატურად გაუქმებულად, თუ მიმწოდებელი არ შეასრულებს ხელშეკრულების მე-7 მუხლში აღნიშნულ ვალდებულებას.

10. ფორს-მაჟორი

10.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

10.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

10.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი



ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

10.4. იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

11. კონფიდენციალურობა

11.1 მიმწოდებელი იძლევა გარანტიას, რომ ყველანაირი ინფორმაცია და მონაცემები, მოთხოვნილი ან მოპოვებული მის მიერ, დაკავშირებული სამუშაოებთან, ხელშეკრულებასთან და მის შინაარსთან ითვლება კონფიდენციალურად, შენახული და დაცული იქნება მის მიერ საიდუმლოდ და ხელშეკრულების მოქმედების პერიოდში და მის შემდეგ 5 (ხუთი) წლის განმავლობაში არ უნდა იქნეს გამჟღავნებული რომელიმე ფიზიკური ან იურიდიული პირისათვის, რომელიც არ წარმოადგენს წინამდებარე ხელშეკრულების მხარეს, გარდა:

11.1.1 როდესაც ამას მოითხოვს რომელიმე სამართლებრივი პროცედურა ან სასამართლო გადაწყვეტილება, რომელიც სავალდებულოა მხარისათვის;

11.1.2 გარანტიას, რომელმაც უნდა გასცეს/გასცა ხელშეკრულებაში მოცემული გარანტიები, ამასთან ინფორმაცია უნდა შემოიფარგლებოდეს მხოლოდ გარანტიის მისაღებად საჭირო აუცილებელი შინაარსით;

11.1.3 იმ შემთხვევისა, როდესაც ნებისმიერი მონაცემი ან ინფორმაცია მხარისაგან დამოუკიდებლად ხდება საჯაროდ ცნობილი.

11.2 საიდუმლოს გამჟღავნებად არ ითვლება, თუ აღნიშნულზე წინასწარი წერილობითი თანხმობა განაცხადა შემსყიდველმა იმ პირზე მითითებით, რომელსაც უნდა გადაეცეს შესაბამისი ინფორმაცია.

12. ხელშეკრულებაში ცვლილებების შეტანა

ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა დაიდოს წერილობით, რომელსაც ხელს აწერენ მხარეები.

13. უფლებების გადაცემა

13.1 მიმწოდებელი ვალდებულია შემსყიდველს წარუდგინოს წერილობითი განცხადება მესამე პირისათვის მთლიანი ან დარჩენილი უფლება-მოვალეობების გადაცემის თაობაზე, აგრეთვე, მესამე პირის წერილობითი თანხმობა ხელშეკრულებით განსაზღვრული მთლიანი ან დარჩენილი ვალდებულებების შესრულების თაობაზე.

13.2 მიმწოდებელს არა აქვს უფლება მხარეთა (შემსყიდველი - მიმწოდებელი - მესამე პირი) წერილობითი შეთანხმების გარეშე მთლიანად ან ნაწილობრივ გადასცეს მესამე პირს ხელშეკრულებით გათვალისწინებული უფლება-მოვალეობანი.

13.3 უფლება-მოვალეობების გადაცემა ფორმდება მხარეთა წერილობითი შეთანხმებით (შემსყიდველი - მიმწოდებელი - მესამე პირი).

14. ხელშეკრულების მოქმედების ვადა

ხელშეკრულება ძალაში შედის მხარეების მიერ ხელმოწერიდან და მოქმედებს მათ მიერ ვალდებულებების სრულად შესრულებამდე.

15. ურთიერთობა ხელშეკრულების დამდებ მხარეებს შორის

15.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით ან ბარდება ხელზე. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება დეკემის, ტელექსის, ელექტრონული ფოსტის ან ფაქსის გაგზავნის გზით ხელშეკრულებაში მითითებულ რეკვიზიტებზე. მხარეების მიერ ოფიციალურ შეტყობინებად ჩაითვლება ასევე მიმოწერა ელექტრონული წერილების მეშვეობით, მეორე მხარის მიერ მიღების დადასტურების შემთხვევაში შემდეგ მისამართებზე:

სს „ნამახვანი“

ადრესატი: გიორგი ჩაჩიბაია

ელ.მისამართი: g.chachibaia@namakhvani.ge

შპს „კოკს კონსალტი-ს საქართველოს ფილიალი“

ადრესატი: ადრესატი: კარსტენ გრიზე

ელ.მისამართი: cgriese@gmx.net

15.2 შეტყობინება მიღებულად ითვლება ადრესატის მიერ მისი მიღების დღეს.

16. სადაო საკითხების გადაწყვეტა

16.1 ხელშეკრულების დამდები მხარეები თანხმდებიან მასზედ, რომ ნებისმიერი უთანხმოება და დავა წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ, შესაძლებელია გადაწყდეს მხარეთა გონივრული შეთანხმებით. შეუთანხმებლობის შემთხვევაში საქმეს წყვეტს თბილისის საქალაქო სასამართლოს.

16.2 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

17. დამატებითი პირობები

17.1 წინამდებარე ხელშეკრულება და ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

გიორგი ჩაჩიბაია

კარსტენ გრიზე



17.2. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ან/და ინგლისურ ენაზე.

17.3 ხელშეკრულება შედგენილია ქართულ ენაზე, ორ ეგზემპლარად და გადაეცათ მხარეებს.


17.4. ხელშეკრულებას თან ერთვის შემდეგი დანართები:

დანართი #1 - ტექნიკური დავალება

დანართი #2 - ქვემონარდის სამუშაოები.

18. მხარეთა რეკვიზიტები და ხელმოწერები

სს „ნამახვანი“ ფაქტ. მის.: ნ. ბარათაშვილის #8, სართ. 4 ს/კ: 406062503 ბანკი: სს “ლიბერთი ბანკი” ანგარიშის # GE28LB0114164072559000 ტელ: 595145533	შპს „კოკს კონსალტი-ს საქართველოს ფილიალი“ იურიდ. მის.: საქართველო, თბილისი, ძველი თბილისის რაიონი, მ. კოსტავას I შეს., კორ.7, ბ.1 ს/კ: 204519896 ბანკი ანგარიშის #
გიორგი ჩაჩიბაია <i>გ. ჩ. ჩ. ბ.</i>	კარსტენ გრიზე <i>Carsten</i>



Carsten

ტექნიკური დავალება

ქუთაისი-აღპანა-მამისონი საავტომობილო გზის ნამოხვანი-აღპანის მონაკვეთის მშენებლობისათვის ტექნიკურ-ეკონომიკური დასაბუთების (feasibility study) და განსახლების ჩარჩო დოკუმენტის მომზადება

I. ზოგადი მოთხოვნები

1. წინამდებარე ტექნიკური დავალება აღწერს კონსულტანტის მიერ განსახორციელებელ მომსახურებას, დავალების მიზნებს, მისი შესრულებისათვის საჭირო სამოქმედო პრინციპებს, საშუალებებსა და ძირითად საბაზისო მონაცემებს.
2. დავალება ითვალისწინებს ნამოხვანის ჰესების კასკადის დატბორვის შედეგად საჭირო ქუთაისი-აღპანა-მამისონის საავტომობილო გზის ნამოხვანი-აღპანის მონაკვეთის ახალი ალტერნატიული გზის, ჰესის მშენებლობისათვის საჭირო შიდა გზებისა და დასახლებულ პუნქტებამდე მისასვლელი გზების ტექნიკურ-ეკონომიკური (feasibility study) მომზადებას.
3. კონსულტანტი ვალდებულია:
 - (i) განიხილოს, შეისწავლოს და გაანალიზოს საპროექტო მონაკვეთზე არსებული გზის ძირითადი ტექნიკურ-ეკონომიკური და ზოგადი სატრანსპორტო-საექსპლუატაციო მახასიათებლები და მონაცემები.
 - (ii) შეიმუშაოს საპროექტო გზის მიმართულების შერჩევისათვის რამოდენიმე (შეზღუდული არ არის) შესაძლო ვერსია, რომელთაგან განიხილავს და გაანალიზებს მათ შორის 2-3 უკეთესს ვერსიას, მათი ეკონომიკური შეფასებისა და ტექნიკური პარამეტრების შედარების თვალსაზრისით.
 - (iii) მოამზადოს განსახლების პოლიტიკის ჩარჩო დოკუმენტი (RPF), სადაც უნდა გაითვალისწინოს ის პრინციპები და მეთოდები, რომელიც ასახულია მსოფლიო ბანკის განსახლების საოპერაციო სახელმძღვანელოს ზოგად მოთხოვნებში.
 - (iv) შერჩეული უკეთესი ვარიანტები განიხილოს დასაკავებელი მიწებისა და განსახლების საკითხების გათვალისწინებითაც, ვერსიების ამ კუთხით შედარების შესაძლებლობის მიზნით.
 - (v) საბოლოოდ შერჩეულ რამოდენიმე ვერსიას შორის, თავისი შეფასებებისა და ტექნიკურ-ეკონომიკურ გაანალიზებაზე დაყრდნობით წარუდგინოს დამკვეთს მის მიერ რეკომენდირებული ერთი საუკეთესო ვერსია გზის კონკრეტული მიმართულების მიხედვით.
 - (vi) საბოლოოდ შერჩეული ალტერნატივა დაამუშავოს სატენდერო დიზაინის დონეზე, რომელიც გულისხმობს შემდგომში დეტალური პროექტის შემუშავებისათვის საერთაშორისო პრაქტიკით გათვალისწინებულ ყველა საჭირო ტექნიკურ დოკუმენტაციას, კვლევებს და დეტალურ ხარჯთაღრიცხვას.
 - (vii) განსაზღვროს საპროექტო გზის მთლიანი მონაკვეთის სექციებად დაყოფის საჭიროება და შესაძლებლობები (მ.შ. გვირაბის არსებობის შემთხვევაში შესაძლოა

დანართი #2

ქვეკონტაქტორის, შპს „საპროექტო-საკონსულტაციო კომპანია ბითი“-ს მიერ შესასრულებელი სამუშაოები:

1. საველე ტოპოგრაფიული სამუშაოების ჩატარებაში თანამონაწილეობა;
2. სატრანსპორტო ნაკადის გამოკვლევა;
3. სატრანსპორტო ფლოტის მონაცემების მოგროვება;
4. გეოლოგიური და გეოტექნიკური საველე-საკვლევაძიებო სამუშაოების ჩატარებაში თანამონაწილეობა;
5. ჰიდროლოგიური სამუშაოების ჩატარებაში თანამონაწილეობა;
6. ხელოვნური ნაგებობების და მიმდებარე ტერიტორიების საინჟინრო მოკვლევა; წინასწარ გაანგარიშებებში მონაწილეობა;
7. მოცულობების სავარაუდო დათვლა და განფასებების გაკეთება;
8. კამერალურ პროექტირებაში თანამონაწილეობა.

